




# ՖՖՖ ՖՈՒՏԲՈՒԼԻ ԴՊՐՈՑԱԿԱՆ ՄՐՅՈՒՄՆԵՐԻ ԱՆՑԿԱՑՄԱՆ ԿԱՆՈՆԱԿԱՐԳ

2024թ. խմբագրություն





## Բովանդակություն

ՀԱՊԱՎՈՒՄՆԵՐ ԵՎ ՍԱՀՄԱՆՈՒՄՆԵՐ.....	2
ԳԼՈՒԽ 1: ԸՆԴՀԱՆՈՒՐ ԴՐՈՒՅԹՆԵՐ .....	3
Հոդված 1. Կանոնակարգի առարկան և գործողությունների շրջանակները .....	3
Հոդված 2. Մրցումների նպատակը և խնդիրները .....	3
Հոդված 3. Մրցումների ղեկավարումը .....	4
ԳԼՈՒԽ 2. ՄՐՑՈՒՄՆԵՐԻ ԱՆՑԿԱՑՈՒՄԸ.....	4
Հոդված 4. Մրցումների մասնակից թիմերը .....	4
Հոդված 5. Մրցումների տարիքային խմբերը, անցկացման կարգը և ժամկետները .....	5
Հոդված 6. Խաղերի անցկացման կարգն ու ձևաչափը.....	7
Հոդված 7. Թիմերի պատասխանատվությունը .....	9
Հոդված 8. Չկայացած և անավարտ խաղեր .....	9
Հոդված 9. Թիմերի չներկայանալը խաղին կամ առաջնություններին մասնակցությունից հրաժարվելը .....	10
ԳԼՈՒԽ 3: ԴԱՇՏԻ ՏԵՐ ԹԻՄԻ ՊԱՐՏԱԿԱՆՈՒԹՅՈՒՆՆԵՐԸ.....	11
Հոդված 10. Դաշտի տեր թիմի պարտականությունները .....	11
ԳԼՈՒԽ 4. ՄՐՑՈՒՄՆԵՐԸ ՍՊԱՍԱՐԿՈՂ ԱՆՁՆԱԿԱԶՄԸ .....	11
Հոդված 11. Խաղերի կազմակերպումը և սպասարկումը.....	11
ԳԼՈՒԽ 5. ՖՈՒՏԲՈՒԼԻՍՏՆԵՐԻ ՄԱՍՆԱԿՑՈՒԹՅՈՒՆԸ ԵՎ ՓՈԽԱՐԻՆՈՒՄԸ.....	12
Հոդված 12. Ֆուտբոլիստների մասնակցությունը խաղին և փոխարինումը .....	12
ԳԼՈՒԽ 6: ՄԱՍՆԱԿԻՑՆԵՐԻ ՀԱՅՏԱՎՈՐՈՒՄԸ .....	13
Հոդված 13. Մրցումների մասնակիցների հայտավորումը.....	13
ԳԼՈՒԽ 7: ՊԱՐԳԵՎԱՏՐՈՒՄՆԵՐԸ.....	14
Հոդված 14. Լավագույնների որոշման կարգը և պարգևատրումները .....	14



## ՀԱՊԱՎՈՒՄՆԵՐ ԵՎ ՍԱՀՄԱՆՈՒՄՆԵՐ

Սույն Կանոնակարգում օգտագործված հասկացությունների սահմանումները

1. **ՀՖՖ** - Հայաստանի ֆուտբոլի ֆեդերացիա
2. **Մրցումներ** - ՀՖՖ հովանու ներքո կազմակերպված պատանեկան, մանկապատանեկան, մանկական և մասսայական ֆուտբոլի առաջնություններ, մրցաշարեր:
3. **Ֆուտբոլային սուբյեկտ** - Իրավաբանական կամ ֆիզիկական անձ, որը մասնակցում/ առընչվում է մրցումներին:
4. **Արտակարգ իրավիճակ/ Ֆորս-մաժոր**- Ֆորս մաժոր՝ արտակարգ և անկանխելի դեպքեր և հանգամանքներ, որոնք առաջացել են հանդիպման մասնակցի և կազմակերպչի կամքից անկախ, ներառյալ (սակայն չսահմանափակվելով դրանցով) բնական և տեխնաժին աղետները, բնության ուժերի արտասովոր դրսևորումները (այդ թվում՝ ջրհեղեղներ, երկրաշարժեր, փոթորիկներ, պտտահողմեր, կայծակով և ամպրոպով ուղղորդվող հորդառատ անձրևներ, ձնաբքեր, սողանքներ), համաճարակները, հասարակական անկարգությունները, ահաբեկչությունները, պատերազմները, ապստամբությունները, գործադուլները, որոնք խոչընդոտում են ֆուտբոլային հանդիպման՝ պատշաճ և ըստ նախատեսվածի կազմակերպմանը և/կամ անցկացմանը:
5. **Մրցավար**-ՀՖՖ-ի կողմից նշանակված հանդիպման մրցավար:
6. **Հանդիպման մասնակից** - Ֆուտբոլիստ, դպրոցի կողմից ներկայացված պաշտոնյա/մարզիչ, հանդիպումը սպասարկող անձնակազմ և հանձնակատար:
7. **Պաշտոնական խաղեր** - Մրցումների շրջանակներում անցկացվող խաղեր:
8. **Մրցաշրջան** - Ֆուտբոլային տարվա կտրվածքով առաջին պաշտոնական խաղով սկսվող և վերջին պաշտոնական խաղով ավարտվող ժամանակահատված:
9. **Խաղային ժամանակահատված** - Խաղից մեկ ժամ առաջ, խաղի ժամանակ, ընդմիջմանը և խաղավարտից 1 ժամ հետո ընկած ժամանակահատված:

## ԳԼՈՒԽ 1: ԸՆԴՀԱՆՈՒՐ ԴՐՈՒՅԹՆԵՐ

### Հոդված 1. Կանոնակարգի առարկան և գործողությունների շրջանակները

1. Սույն կանոնակարգը սահմանում է ՀՖՖ-ի հովանու ներքո անցկացվող ֆուտբոլի դպրոցական մրցումների կազմակերպման և անցկացման սկզբունքները, ֆուտբոլային սուբյեկտների իրավունքները, պարտականությունները, պատասխանատվությունը այլ ընթացակարգային հարցերը տվյալ մրցումների ընթացքում, կարգավորում է դպրոցական ֆուտբոլի մրցումներին մասնակցող թիմերի իրավունքներն ու պարտականությունները:
2. Սույն կանոնակարգը վերաբերում է Հայաստանի ֆուտբոլի ֆեդերացիայի հովանու ներքո անցկացվող դպրոցական ֆուտբոլի բոլոր առաջնություններին՝ Մ14, Մ12 և Մ10:
3. Սույն Կանոնակարգով կարգավորվում է՝
  - ՀՖՖ-ի կողմից մրցումների կազմակերպման, անցկացման, ղեկավարման և հսկողության ընթացակարգերի սահմանումը:
  - Մրցումների մասնակիցների համար լիարժեք պայմանների ստեղծումը և ապահովումը:

### Հոդված 2. Մրցումների նպատակը և խնդիրները

- ա) Դպրոցական ֆուտբոլի հետագա զարգացմանն ու մասսայականացմանը նպաստելը:
- բ) Վաղ տարիքից դպրոցներում ֆուտբոլ առարկայի մասսայականացմանը և ուսուցման պրոցեսի մակարդակի հետագա բարձրացմանը նպաստելը:
- գ) Հեռանկարային, խոստումնալից, տաղանդավոր ֆուտբոլիստներին ի հայտ բերելուն նպաստելը:
- դ) Պրոֆեսիոնալ ակումբներում ֆուտբոլիստների համալրման համար հերթափոխի պատրաստման գործընթացին նպաստելը:
- ե) Ֆուտբոլի միջոցով առողջ ապրելակերպի գաղափարի տարածմանը նպաստելը:
- զ) «Արդար խաղի» սկզբունքների արմատավորմանը և կենսագործմանը նպաստելը:
- է) Տարբեր տարիքային խմբերի մրցանակակիրներին ի հայտ բերելը:



### Հոդված 3. Մրցումների ղեկավարումը

---

Մրցումների ընդհանուր ղեկավարումն ու հսկողությունը մարզերում իրականացնում են ՀՖՖ-ն և մարզերում ՀՖՖ ներկայացուցիչները, Երևանում՝ ՀՖՖ-ն և Երևանի վարչական շրջանների սպորտի պատասխանատուները, մասնավորապես՝

- հաստատում է Մրցումների կանոնակարգն ու խաղացանկերը,
- իրականացնում է թիմերի հայտավորման ընթացակարգը,
- իրականացնում է թիմերի վիճակահանությունները,
- հաստատում է Մրցումները սպասարկող մրցավարների կազմը,
- կազմակերպում է խաղերը և իրականացնում դրա հսկողությունը,
- ամփոփում և հաստատում է առաջնությունների արդյունքները,
- իրականացնում է մրցանակակիրների պարգևատրումները,
- հոգում է անհրաժեշտ տրանսպորտային, մրցավարական և այլ ծախսերը:

## ԳԼՈՒԽ 2. ՄՐՑՈՒՄՆԵՐԻ ԱՆՑԿԱՑՈՒՄԸ

### Հոդված 4. Մրցումների մասնակից թիմերը

---

1. Մրցումներին կարող են մասնակցել այն դպրոցների թիմերը, որոնք ընդունում են ՀՖՖ Կանոնադրությունը և պարտավորվում են կատարել դրա, ինչպես նաև սույն Կանոնակարգի պահանջները:
2. ՀՖՖ ֆուտբոլի մանկապատանեկան մրցումներին հայտավորված ֆուտբոլիստներին չի թույլատրվում մասնակցել ՀՖՖ ֆուտբոլի դպրոցական մրցումներին:
3. Մարզերի դպրոցները հաստատում են իրենց թիմի մասնակցությունը մրցումներին՝ մինչև **2024թ. սեպտեմբերի 30-ը** ՀՖՖ կողմից նախապես տրամադրված օնլայն [հղմամբ](#) ներկայացնելով սահմանված կարգի Հայտի թերթիկը և Տեղեկանքը /հավելված 1 և հավելված 2/:
4. Երևանի դպրոցները հաստատում են իրենց թիմի մասնակցությունը մրցումներին՝ մինչև **2024թ. սեպտեմբերի 30-ը** ՀՖՖ կողմից նախապես տրամադրված օնլայն [հղմամբ](#) ներկայացնելով սահմանված կարգի Հայտի թերթիկը և Տեղեկանքը /հավելված 1 և հավելված 2/:

5. Առաջնություններին մասնակցելու համար մուտքավճար չի պահանջվում:
6. Մեկ դպրոցը կարող է Մրցումներին մասնակցել 1-ից ավելի թիմով:

### Հոդված 5. Մրցումների տարիքային խմբերը, անցկացման կարգը և ժամկետները

1. Մրցումներն անցկացվում են հետևյալ տարիքային խմբերով՝
  - Մինչև 14 տարեկանների առաջնություն (2010-2011-2012 թթ.ծնվ.)
  - Մինչև 12 տարեկանների առաջնություն (2012-2013-2014 թթ.ծնվ.)
  - Մինչև 10 տարեկանների առաջնություն (2014-2015-2016 թթ. ծնվ.)

**Մ14** տարեկանների առաջնությանը թույլատրվում է մասնակցել 2010թ., 2011թ. և 2012թ.-ին (առավելագույնը 2 ֆուտբոլիստ) ծնված տղաներին:

**Մ12** տարեկանների առաջնությանը թույլատրվում է մասնակցել 2012թ., 2013թ. և 2014 թ. -ին (առավելագույնը 2 ֆուտբոլիստ) ծնված տղաներին և աղջիկներին:

**Մ10** տարեկանների առաջնությանը թույլատրվում է մասնակցել 2014թ., 2015թ. և 2016 թ. -ին (առավելագույնը 2 ֆուտբոլիստ) ծնված տղաներին և աղջիկներին:


2. Մ14 Մրցումներն անցկացվում են 3 փուլով՝ միջհամայնքային, մարզային/երևանյան և հանրապետական:
  - 1-ին՝ **միջհամայնքային** փուլին մասնակցում են 2021-2024 թվականներին ՀՖՖ Մարզչական Դ արտոնագրի դասընթացներին մասնակցած երևանյան և մարզային հանրակրթական դպրոցների թիմերը և այլ ցանկացող դպրոցների թիմերը:
  - 2-րդ՝ **մարզային/երևանյան** փուլին մասնակցում են միջհամայնքային փուլում հաղթած թիմերը՝ որոշելով մարզի և Երևանի Մ14 խմբի հաղթողներին:
  - 3-րդ՝ **հանրապետական** փուլին մասնակցում են Մ14 խմբի մարզային և երևանյան փուլում առաջին տեղ գրաված թիմերը:
3. Մ12 և Մ10 Մրցումներն անցկացվում են 2 փուլով՝ միջհամայնքային, մարզային/երևանյան:
  - 1-ին՝ **միջհամայնքային** փուլին մասնակցում են 2021-2024 թվականներին ՀՖՖ Մարզչական Դ արտոնագրի դասընթացներին մասնակցած երևանյան և մարզային հանրակրթական դպրոցների թիմերը և այլ ցանկացող դպրոցների թիմերը:

- 2-րդ՝ **մարզային/երևանյան** փուլին մասնակցում են միջհամայնքային փուլում հաղթած թիմերը՝ որոշելով մարզի և Երևանի Մ12 և Մ10 խմբերի հաղթողներին:
4. Թիմերի համազգեստները ապահովում է տվյալ դպրոցը կամ համայնքը, միայն ծայրահեղ անհրաժեշտության դեպքում թիմի համազգեստը կտրամադրի ՀՖՖ-ն:
  5. Մրցաշարի բոլոր փուլերն անցկացվում են օլիմպիական մրցակարգով՝ 1 խաղով: Ամեն փուլից առաջ մրցակիցները կորոշվեն վիճակահանությամբ:
  6. Միջհամայնքային և մարզային/երևանյան փուլերն անցկանցկացվում են յուրաքանչյուր մարզում և Երևանում, հանրապետական փուլի խաղերի անցկացման վայրը կրնտրի ՀՖՖ Ֆուտբոլի դեպարտամենտը:
  7. Մարզերի՝ միջհամայնքային և մարզային փուլերի անցկացման վայրերը կրնտրեն մարզերում ՀՖՖ ներկայացուցիչները՝ հաշվի առնելով աշխարհագրական առավել հարմար դիրքը և առկա ենթակառուցվածքները:
  8. Երևանի՝ համայնքային և երևանյան փուլերի անցկացման վայրերը կրնտրեն Երևանի վարչական շրջանների սպորտի պատասխանատուները՝ հաշվի առնելով աշխարհագրական առավել հարմար դիրքը և առկա ենթակառուցվածքները:
  9. Միջհամայնքային փուլի տրանսպորտային ծախսերը կիրականացնեն համայնքները: Մարզային փուլի տրանսպորտային ծախսերը կիրականացնեն համայնքները և մարզպետարանները, միայն խիստ անհնարինության դեպքում այդ ծախսերը կիրականացնի ՀՖՖ-ն: Հանրապետական փուլի տրանսպորտային ծախսերը կիրականացնի ՀՖՖ-ն:
  10. Մ14 տարիքային խմբի Մրցումների անցկացման ժամկետներ են՝
    - Միջհամայնքային փուլ՝ 01.10.2024թ. – 31.10.2024թ.
    - Մարզային/երևանյան փուլ՝ 01.11.2024թ.- 24.11.2024թ.
    - Հանրապետական փուլ՝ 25.11.2024թ.- 15.12.2024թ.
  11. Մ12 և Մ10 տարիքային խմբերի Մրցումների անցկացման ժամկետներ են՝
    - Միջհամայնքային փուլ՝ 01.10.2024թ. – 31.10.2024թ.
    - Մարզային/երևանյան փուլ՝ 01.11.2024թ.- 30.11.2024թ.

## Հոդված 6. Խաղերի անցկացման կարգն ու ձևաչափը

1. Սույն կանոնակարգով սահմանված մասսայական ֆուտբոլի միջոյարոցական Մրցումների շրջանակներում հանդիպումներն անցկացվում են համաձայն սույն կանոնակարգի:

- Մինչև 14 տարեկանների խումբը** բաղկացած է 20 րոպե տևողությամբ 2 խաղակեսից և մինչև 10 րոպե ընդմիջումից՝ խաղակեսերի միջև ընկած ժամանակահատվածում: Խաղի ձևաչափը՝ 6v6 (5+1): Խաղադաշտի չափսերը՝ երկարություն՝ /35-40մ/, լայնություն՝ /20-30մ/, դարպասի չափսեր՝ լայնություն՝ /5մ./ բարձրություն՝ /2մ./, տուգանային հրապարակը՝ 9մ: 11 մետրանոց նշակետը փոխարինել 7 մետրանոց նշակետով:
- Մինչև 12 տարեկանների խումբը** բաղկացած է 15 րոպե տևողությամբ 2 խաղակեսից և մինչև 10 րոպե ընդմիջումից՝ խաղակեսերի միջև ընկած ժամանակահատվածում: Խաղի ձևաչափը՝ 6v6 (5+1): Խաղադաշտի չափսերը՝ երկարություն՝ /35-40մ/, լայնություն՝ /20-30մ/, դարպասի չափսեր՝ լայնություն՝ /5մ./ բարձրություն՝ /2մ./, տուգանային հրապարակը՝ 7մ: 11 մետրանոց նշակետը փոխարինել 7 մետրանոց նշակետով:
- Մինչև 10 տարեկանների խումբը** բաղկացած է 15 րոպե տևողությամբ 2 խաղակեսից և մինչև 10 րոպե ընդմիջումից՝ խաղակեսերի միջև ընկած ժամանակահատվածում: Խաղի ձևաչափը՝ 6v6 (5+1): Խաղադաշտի չափսերը՝ երկարություն՝ /35-40մ/, լայնություն՝ /20-30մ/, դարպասի չափսեր՝ լայնություն՝ /5մ./ բարձրություն՝ /2մ./, տուգանային հրապարակը՝ 7մ: 11 մետրանոց նշակետը փոխարինել 7 մետրանոց նշակետով:





2. Երեք տարիքային խմբի խաղերի ժամանակ թույլատրվում է կատարել հետադարձ փոխարինում:
3. Երեք տարիքային խմբի խաղերի ժամանակ դարպասապահին թույլատրվում է որսալ գնդակը թիմակցի կողմից կատարված ոտքով փոխանցումից հետո:
4. Երեք տարիքային խմբի խաղերի ժամանակ դարպասապահին չի թույլատրվում ոտքով գնդակը մտցնել խաղի մեջ:
5. Երեք տարիքային խմբի խաղերի ժամանակ «խաղից դուրս» վիճակը չի գործում:
6. Երեք տարիքային խմբի խաղերի ժամանակ չի թույլատրվում թիմերի կազմում խաղերին ներգրավել 2024/25 մրցաշրջանի ՀՖՖ մանկապատանեկան մրցումներին հայտավորված ֆուտբոլիստներին:
7. Խաղերը ոչ-ոքի ավարտվելու դեպքում հաղթող թիմը որոշվում է 7 մետրանոց հարվածաշարի միջոցով՝ ըստ «Ֆուտբոլ խաղի կանոնների»:

## Հոդված 7. Թիմերի պատասխանատվությունը

1. Թիմերը պատասխանատու են՝

- Արձանագրությունում նշված ֆուտբոլիստների և պաշտոնյաների՝ խաղին մասնակցելու իրավասության համար: Արձանագրությունում նշված լինելը համարվում է մասնակցություն խաղին:
- Խաղի ժամանակահատվածում (թիմերի և պաշտոնյաների՝ մարզադաշտ ժամանման պահից սկսած) և դրանից հետո իրենց ֆուտբոլիստների, նրանց ծնողների, պաշտոնյաների, վարչական անձնակազմի, ինչպես նաև հանդիսատեսի, թիմի երկրպագուների անօրեն, անթույլատրելի և անվայել գործողությունների համար:
- Խաղը սպասարկող անձնակազմի գործողություններին միջամտելու համար:
- ՀՖՖ-ին ոչ հավաստի կամ կեղծ տեղեկություն պաշտոնապես ներկայացնելու համար:

## Հոդված 8. Չկայացած և անավարտ խաղեր

1. Չկայացած կամ անավարտ են համարվում այն խաղերը, որոնք համապատասխանաբար, չեն կայացել կամ ընդհատվել են և չեն շարունակվել հետևյալ պատճառներով՝

- ա) եղանակային անբարենպաստ պայմանների,
- բ) ֆորս-մաժորային իրավիճակի,
- գ) թիմի/թիմերի խաղին չներկայանալու,
- դ) թիմի/թիմերի խաղադաշտը լքելու,
- ե) երրորդ անձանց միջամտության դեպքում,
- զ) թիմի ֆուտբոլիստի, պաշտոնյայի և/կամ երկրպագուի անկարգապահ վարքագծի,
- է) հասարակական կարգի խախտման,
- ը) այլ հանգամանքների:

2. Եթե խաղը չի կայացել, ընդհատվել, կամ չի շարունակվել սույն հոդվածի ա և բ կետերի համաձայն, ապա այն խաղացվում կամ շարունակվում է մեկ այլ օր նույն մարզադաշտում խաղի ընդհատման բոլոր հաջորդող բոլորից: Տեղափոխված հանդիպման անցկացման վայրը մնում է անփոփոխ: Եթե որոշակի հանգամանքներով պայմանավորված հնարավոր չէ խաղն անցկացնել նախանշված

վայրում, ապա ՀՖՖ Ֆուտբոլի դեպարտամենտը պետք է հանդիպումը վերանշանակի մեկ այլ խաղադաշտում:

3. Անավարտ խաղի խաղացված ժամանակահատվածի հաշիվը մնում է ուժի մեջ: Տվյալ խաղի շարունակությանը իրավունք ունեն մասնակցելու միայն խաղի արձանագրությունում նշված և խաղին մասնակցած ֆուտբոլիստները: Տվյալ խաղի անցկացման/շարունակման ժամկետների վերաբերյալ որոշում կայացնելու իրավունքը պատկանում է ՀՖՖ-ին:
4. Մյուս դեպքերում խաղը չեղյալ է համարվում: Մեղավոր թիմին գրանցվում է տեխնիկական պարտություն՝ 0-3 հաշվով, իսկ մրցակցին հաղթանակ՝ 3-0 հաշվով: Եթե մրցակցի առավելությունը հաշվի մեջ գերազանցում է 3 գնդակը, ապա խաղի հաշիվը մնում է ուժի մեջ: Եթե անվայել վարքագիծ է դրսևորվել երկու թիմերի կողմից, ապա խաղի արդյունքը չեղյալ է համարվում և երկու թիմերն էլ լքում են պայքարը: Գրանցված գույերը ումբարկուների հաշվարկում չեն ներառվում:

**Հոդված 9. Թիմերի չներկայանալը խաղին կամ առաջնություններին մասնակցությունից հրաժարվելը**

1. Մասնակից թիմերը պարտավոր են ժամանել մարզադաշտ խաղի նշանակված ժամից նվազագույնը 1 ժամ առաջ:
2. Թիմը համարվում է խաղին չներկայացած, եթե կազմակերպչին չի տեղեկացրել ուշացման պատճառների մասին և խաղասկզբին չի ներկայացել: Տեղեկացնելու դեպքում խաղասկզբը կարող է հետաձգվել առավելագույնը ոչ ավելի քան մեկ խաղակես, որի մասին որոշումը կայացնում է խաղի մրցավարը՝ խորհրդակցելով մարզում ՀՖՖ ներկայացուցչի կամ ՀՖՖ Ֆուտբոլի դեպարտամենտի հետ:
3. Անհարգելի պատճառով խաղին չներկայանալու դեպքում թիմին գրանցվում է տեխնիկական պարտություն 0:3 հաշվով:



### ԳԼՈՒԽ 3: ԴԱՇՏԻ ՏԵՐ ԹԻՄԻ ՊԱՐՏԱԿԱՆՈՒԹՅՈՒՆՆԵՐԸ

#### Հոդված 10. Դաշտի տեր թիմի պարտականությունները

1. Նախապատրաստել խաղադաշտը հանդիպմանը:
2. Հանդիպման անցկացման համար ապահովել առնվազն երեք գնդակի առկայությունը:
3. Բոլոր հանդիպումների ընթացքում դաշտի տեր թիմը պետք է ապահովի համայնքի կամ դպրոցի բուժաշխատողի ներկայությունը:

### ԳԼՈՒԽ 4. ՄՐՑՈՒՄՆԵՐԸ ՍՊԱՍԱՐԿՈՂ ԱՆՁՆԱԿԱԶՄԸ

#### Հոդված 11. Խաղերի կազմակերպումը և սպասարկումը

1. Խաղն անցկացնելու համար ՀՖՖ-ի մրցավարական բաժինը նշանակում է սպասարկող անձնակազմ հետևյալ կազմով՝
  - Մ14 խումբ՝ 1 մրցավար
  - Մ12 խումբ՝ 1 մրցավար
  - Մ10 խումբ՝ 1 մրցավար:
2. Յուրաքանչյուր խաղից առնվազն 45 րոպե առաջ հանդիպման մրցավարը անցկացնում է նախախաղային խորհրդակցություն մրցող թիմերի մարզիչների, մրցավարական անձնակազմի մասնակցությամբ: Խորհրդակցության ընթացքում ճշտվում են խաղի անցկացման պայմաններն ու տրվում համապատասխան հրահանգները մասնակիցներին:
3. Թիմերի ներկայացուցիչները պարտավոր են խաղը սկսելուց ոչ ուշ քան 30 րոպե առաջ խաղի մասնակիցների ցուցակը լրացված և ստորագրված հանձնել մրցավարին:
  - Ցուցակին կից ներկայացվում է ներգրավված ֆուտբոլիստների քաղաքացիական անձնագրերը/ծննդյան վկայականները կամ դրանց պատճենները:
  - Խաղի մասնակիցների ցուցակը ստորագրող պաշտոնյան պատասխանատու է ցուցակում նշված անձանց հետ կապված խախտումների համար: Խաղին կարող են մասնակցել /այդ թվում նաև

գտնվել տեխնիկական գոտում/ միայն այն ֆուտբոլիստները և պաշտոնյաները, որոնք նշված են ցուցակում:

4. Խաղը չկայանալու կամ ուշ սկսելու որոշումը պատկանում է խաղի մրցավարին:
5. Մրցավարը խաղասկզբից առաջ պետք է ստուգի թիմերի մեկնարկային կազմերի ֆուտբոլիստների, ինչպես նաև խաղի ընթացքում փոխարինող ֆուտբոլիստների ինքնությունը:
6. Մ10 և Մ12 տարիքային խմբերի առաջնությունների հանդիպումներն անց են կացվում N4 գնդակով, իսկ Մ14 տարիքային խմբինը՝ N5 գնդակով :
7. Մարզերում ՀՖՖ ներկայացուցիչը պարտավոր է տվյալ խաղի արձանագրությունը ներկայացնել ՀՖՖ Մասսայական և սիրողական ֆուտբոլի բաժին՝ խաղին հաջորդող աշխատանքային օրը:
8. Երևանում՝ վարչական շրջանի սպորտի պատասխանատուն պարտավոր է տվյալ խաղի արձանագրությունը ներկայացնել ՀՖՖ Մասսայական և սիրողական ֆուտբոլի բաժին՝ խաղին հաջորդող աշխատանքային օրը:

## **ԳԼՈՒԽ 5. ՖՈՒՏԲՈՒԼԻՍՏՆԵՐԻ ՄԱՄՆԱԿՑՈՒԹՅՈՒՆԸ ԵՎ ՓՈԽԱՐԻՆՈՒՄԸ**

### **Հոդված 12. Ֆուտբոլիստների մասնակցությունը խաղին և փոխարինումը**

1. Մրցումներին ֆուտբոլիստները և պաշտոնյաները մասնակցում են քաղաքացիական անձնագրի կամ ծննդյան վկայականի պատճեններով:
2. Թիմերին թույլատրվում է հայտավորել 12 ֆուտբոլիստ և մեկ մարզիչ՝ /դպրոցի ներկայացուցիչ/, /տես հավելված 1/:
3. Մ14 խմբում թույլատրվում է հայտավորել առավելագույնը 12 տղա ֆուտբոլիստ:
4. Մ12 և Մ10 խմբերում թույլատրվում է հայտավորել առավելագույնը 12 ֆուտբոլիստ՝ 8 տղա, 3 աղջիկ:
5. Մ 12 և Մ10 խմբերում դաշտում պարտադիր պետք է խաղա առնվազն 1 աղջիկ:
6. Հանդիպումների արձանագրության մեջ լրացված բոլոր ֆուտբոլիստները ենթակա են պարտադիր փոխարինման:

## ԳԼՈՒԽ 6: ՄԱՍՆԱԿԻՑՆԵՐԻ ՀԱՅՏԱՎՈՐՈՒՄԸ

### Հոդված 13. Մրցումների մասնակիցների հայտավորումը

1. Հայտավորվել կամ /վերահայտավորվել/ կարող են այն ֆուտբոլիստները, որոնք գրանցված են թիմը ներկայացնող դպրոցում: Վերահայտավորումը թույլատրվում է կատարել 1-ից 2-րդ և 2-ից 3-րդ փուլերի միջև ընկած ժամանակահատվածում:
2. Ֆուտբոլիստը իրավունք ունի հանդես գալ միայն այն դպրոցի թիմի կազմում, որտեղ նա գրանցված է:
3. Ֆուտբոլիստների հայտավորման համար լրացվում է ՀՖՖ-ի կողմից սահմանված հայտավորման թերթիկը: Թիմի կազմում կարող են հայտավորվել այն ֆուտբոլիստները, որոնք չեն մասնակցում 2024/25 մրցաշրջանի ՀՖՖ մանկապատանեկան մրցումներին՝ հայտավորված չեն: Պարտադիր լրացման ենթակա են՝
  - թիմը ներկայացնող դպրոցի անունը. անունը պետք է համընկնի թերթիկի դրոշմակնիքի վրա նշված անվան հետ,
  - թիմի անունը,
  - հայտավորվող ֆուտբոլիստների ցուցակը,
  - թիմի մարզչի անունը, ազգանունը, հեռախոսահամարը, ստորագրությունը, կնքված կազմակերպության կնիքով, հայտավորման ներկայացման ամսաթիվը,
  - դպրոցի տնօրենի անունը, ազգանունը, ստորագրությունը:
4. Խաղի օրը հայտերի հետ ներկայացվում են մասնակից ֆուտբոլիստների քաղաքացիական անձնագրերի/ծննդյան վկայականների պատճենները, դպրոցից տեղեկանք՝ փակցված 3x4 չափսի գունավոր լուսանկարով և հաստատած դպրոցի տնօրենի կողմից /կնիքը հաստատած լինի նկարի վրա/, /տես հավելված 2/:
5. Լրացված հայտերը անհրաժեշտ է ներբեռնել նախապես տրամադրված էլեկտրոնային գրանցման [հարթակում](mailto:hayr@ffa.am) կամ էլեկտրոնային եղանակով ուղարկել [nane.bakhshyan@ffa.am](mailto:nane.bakhshyan@ffa.am) հասցեին մինչև **ս. թ. սեպտեմբերի 30-ը**:

## ԳԼՈՒԽ 7: ՊԱՐԳԵՎԱՏՐՈՒՄՆԵՐԸ

### Հոդված 14. Լավագույնների որոշման կարգը և պարգևատրումները

---

1. Մրցաշարի հանրապետական փուլի Մ-14 խմբի 1-ին տեղը գրաված թիմը կպարգևատրվի ՀՖՖ գավաթով, մեդալներով, դիպլոմներով և հուշանվերներով, մրցանակային տեղեր զբաղեցրած մյուս թիմերը կպարգևատրվեն դիպլոմներով և հուշանվերներով:
2. Մրցաշարի մարզային և երևանյան փուլի Մ-12 և Մ10 խմբերի 1-ին տեղերը գրաված թիմերը կպարգևատրվեն ՀՖՖ գավաթով, մեդալներով, դիպլոմներով և հուշանվերներով, մրցանակային տեղեր զբաղեցրած մյուս թիմերը կպարգևատրվեն դիպլոմներով և հուշանվերներով:
3. Մրցումների մասնակիցների համար ՀՖՖ որոշմամբ կարող են սահմանվել նաև այլ պարգևատրումներ:



/Հավելված 1/

# Հ Ա Յ Տ

2024թ. ՀՖՖ ֆուտբոլի դպրոցական մրցումների անցկացման

Հանրակրթական դպրոցի համարը և անվանումը \_\_\_\_\_

\_\_\_\_\_

Թիմի անվանումը \_\_\_\_\_

Դպրոցի հեռախոսի համարը \_\_\_\_\_

N	Մասնակցի Ա. Ա. Հ	Ծննդյան օր, ամիս, տարի	Դաս-ն	Հեռախոս	Ծանոթություն
1					
2					
3					
4					
5					
6					
7					
8					
9					
10					
11					
12					

Մարզիչ/դպրոցի ներկայացուցիչ/

\_\_\_\_\_ / \_\_\_\_\_

անուն

ազգանուն

հեռախոսը

Դպրոցի տնօրեն

կ.տ.

\_\_\_\_\_ / \_\_\_\_\_

ստորագրություն

անուն

ազգանուն

< \_\_\_\_\_ > \_\_\_\_\_ 2024թ.





/Հավելված 2/

**Տ Ե Ղ Ե Կ Ա Ն Ք**

N -----

<.....>.....2024 թ.

Տրվում է \_\_\_\_\_ ծնվ. \_\_\_\_\_ թ.

օր, ամիս, տարի

որ նա 2024 թ.-ին սովորում է \_\_\_\_\_

\_\_\_\_\_ դասարանում

Դպրոցի տնօրեն

/ \_\_\_\_\_ /

անուն

ազգանուն

կ.տ